

L'ESSOR

faso kumakan

Zenerali Musa Tarawele ye baara, cèsiri, munyu ni laadiriya nyini maliden bée fè san kura hukumu kònò.

Sanyèlèma su Zenerali Musa Tarawele y'a kanbò malidenwa, k'a jira ko san 1982 banna, sanni waati kunkurunni cè san 1983 bè jò, o tuma a bennèn don an k'an hakili jakabò kelenw ni kètaw kan.

O dogolen tè mögo si la k'a fò ko gèlèya min bè dinyè kònò, ni hadamadenwa deli k'a nyögón ye habada, dò de bë ka fara o kan ka t'a fè, an ka jamana kuntigi ka fòli la.

Gèlèya in ma tò to jamana hörönyalen kuraw la, mali bë minnu cèman.

Nka an ka pariti ni gofèrènama y'u cèsiri gèlèya in lasetèmèli la kabini waati jan.

O siratigè la baara caman kéra an ka jamana fè sòrô yiriwali fèerè bolodallenw waleyali la san 1981 ni 1985 cè, i n'a fò mali demebagaw ka nyögónye min kéra bamakò desanburu kala la. Jamanaw ni jekuluw caman y'a nkaniya k'an dème teriya sira kan baara kologirinbw la i n'a fò ofisi labènni simandilan yòrò kura jòli, an yèrè labòlli baloko sira kan walasa an ka se ka kóngò kèle.

An ka jamana kuntigi y'a jira o yòrò la, k'an ka foli ni walenyumandòn bë ka taa an teriw bée ma, minnu y'u bolo don an bolo, ka layidu ta an ye an dème li la.

A ko ja kéra sababu ye nyinan tugun ka sènèfènw tinyè jamana kényekayanfan n'a köröyanfan ni tilebin ni cèmancéyanfan yòrò dòw la. O sira kan pariti ni gofèrènama ye wélé bila dinyè hadamaden sèbè jekuluw bée ma; u k'an dème baloko la.

An ka foroba tònba "UDPM" nyémogò ni jamana kuntigi ka foli la, hadamadenw fana ye caman fara ja ka baara juguw kan, an

ka dugukolo tinyèli la. A k'a bë wele bila jamanadenw yumanw bée ma u ka tasumadonnaw kèle kungo kònò, ka jiri kuraw turu yòrò lankolonwna. A b'a nyini jekuluw ka sigi duguw bée kònò o baaraw kama.

Min ye an ka duguju kòrò nafaw nyinini ye, a y'a jira ko kalana sanu bòli bëna daminè sooni. A ko nyinan, fèerèw bëna sòrô kita, gawo, marakala, buguni, kayi ni san jiko la.

A ko selenge babili

A ko selenge babili nafa tè dòonin ye an ka sòrô yiriwali la, k'a daminè izini baaraw la fo ka t'a se sènè ni hadamadenya baaraw ma. Babili in kuraw bëna don baara wèrèw da fè sanni waati cè.

Zenerali Musa Tarawele y'an ladonniya ko manantali babilis baara bë ka bò a sira fè kabini zuwèn kalo, san 1982.

A ka jèmukan kònò, an ka jamana kuntigi y'a fò k'an ka foroba tònba, n'o ye an ka pariti "UDPM" ye k'o y'a ka baara daminè k'a ban. n'o ye jamanadenw haminan-kow waleyali ye. O baara dun tè taa bolodinyögónma kò nyémogò ni tòndenw ni nyögón cè walasa bée k'a dòn ko pariti baara ye jamanadenw bée kundoni de ye. Foroba tònba min cèsirilen don jama ka hèrè sabatili la; bawo a nyémogò kelen kelen bée sugandira jama de fè. Jama ye dannaya min d'u kan u wajibiyalen don k'o minèn fa ni kumanögónya ni jekafò ni nyögónfaamu ye, u n'o mögò kelenw cè.

An ka jamana kuntigi da sera denmisènw lamò cogo ma, olu minnu ye jamana ntulomaw ye. A b'a nyini somogò bée fè an k'an jija an denw ladonni fè, k'u bila sira nyuman kan walasa u k'a faamu ko,

jamana jigiw y'olu de ye sini, faso ka nyètaa sinsinbere de y'u ye fana. A ka kan an ka baara ni faso kanu don u la, kabini u tè foyi bò.

A ko pariti ni gofèrènama bëna jekuluw bée lakuraya, denmisènw bë ladamuya minnu kònò, k'u lamò konyuman, i n'a fò piyoniyé jekulu ani lakòlisow, baa raw bë se ka kalan minnu kònò.

Zenerali Musa Tarawele y'a jira ko san 1982 gèlèyara kosèbè faso kumabòlaw bolo, yelekew ka ka degun bë minnu kan halisa.

Namibi jamana denw, farafinna woroduguyanfan taw ani paldsinidenw caman ni tora hörönya kèle da fè. Nka o si ma jamana minnu denw galatu kari u ka yèredon kèle in sira kan. An ka nyémogòba ye malidenw ka foli kérènkerènne bila ka t'u ma, ka dugawu k'u ye u ka se kuraw sòrô juguw kan, k'a jira u la ko mali denw b'u kò, u bolo b'u bolo u ka hörönya kèle la.

A ka jèmukan laban na an ka jamana kuntigi k'a b'a nyini jamanaden bée fè an ka dò fara an ka cèsiri kan san kura hukumu kònò. An k'a dòn ko faso jòli baara tè taa dusu ni yèredi ni jèlenya ni laadiriya kò. A bë dugawu kë malidenw bée ye, ala ka si ni kénèya d'an ma walasa an kelen kelen bée ka se k'an sekò kë jamana jòli la.



nyogondemè Mali ni kiba jamana cè



danbe yiriwali minisiri ani Tijani Gise n'o ye jamana kuntigi demebaga dò ye ani Banjugu Jawara n'o ye an ka jamana kòkan konyèw nyènabòbaga minisiri demebaga ye.


Zeneral Amadu Baba Jara ye Kiba jekulu fo malidenw tògò la ani pariti ni goférénama tògò la a n'an ka foroba tònba "U.D.P.M" nyémogò tògò la ani a yèrè tògò la. A y'u fo k'u walenyumandòn an ka wele jaabili la u fè.

A y'a jira a ka jemukan kònò k'an ka jamana fila tèmèna sira kelen fè u ka dinyèlabò kònò, bawo an bée ye degun kelenw ye an nyè la, sanni an k'an ka hòrónya sòrò o de kama an fèlaw ye kelen ye politiki, sòrò, hadamadenya ni danbe walew la.

An ka pariti nyémogò dankan y'a jira k'a dalen don a la ko nyogonye in bëna dò fara an ka bolodinyogònma baaraw kan ani nyogondemè min b'an cè, sira bée kan, ka nyèsin an ka jamana fila denw ka hèrè ma.

Amadu Baba Jara y'a fòtugun ko dinyè gèleýaba in latèmè sira do ye dò farali ye jekabaara kan jamana hòrónyalen kuraw ni nyogon cè.

Juhan Alimèda Bosike y'a jira a ka jaabi kònò ko Mali ni Kiba bée kònò ye kelen ye dinyè kunkobaw nyènabò cogo kan. O kò, u ka dèmè bëka taa jamanaw ma minnu b'u ka hòrónya nyinini kèle la. A ka jemukan sen fè a y'a sinsin jamanaw



ka teriya n'u ka nyogondemè kan, nyogonfaamu ni damakénè kònò. A y'a ka kòròfò kuncè ni Kiba jamana nyémogò Fidèli Kasitoro ka foli ye ka nyèsin an ka jamana kuntigi Zeneral Musa Tura wele ma.

Kiba jekulu taar'i nyèdè sogu bagidilan yorò "COMATHY" kan ani seribala sukarodilan izini. U seginnen bamakò, Amadu Baba Jara ye Bosike n'a ka jama fana.

kalana sanubò bëna lateliya

Mali ya jòyòrò fa Dakaru fuwari la

Nowanburu kalo tèmènen, dinyè jagokè labaw ka bò Afiriki, Azi ni Ameriki jama na 42 kònò, olu ye tile 13 kè Dakaru

jagokè yorò kérènkèrènnèn kénè kan, min labènna u ye walasa u ka se k'u nyèda nyogon ka jamanaw jagofènw kan, ka bënkèn sèbènw dilan jago siratigè la u ni nyogon cè.

Mali ma to kò habada Dakaru laadala fuwari in na. Nyinan an ka jamana ye jè-

kuluba bila ka taa an kunnawolo kénè in kan. An ka sòrò bolodaw bée tun ka ci-dew bë kénè in kan, k'a daminè forobataw la ka t'a bila kénèyèrew la.

Mali y'a ka izini fènw ni bololabaara minènw caman jira jama la.

Lajè dò kera fuwari hukumu kònò mali tògò la, desanburu kalo tile 3, min nyémogòya tun bë Umaru Kulubali bolo n'o y'an ka pariti "UDPM"

nyèfèton mögò ye, n'an ka jamana sòrò yiriwali ni nafolo konyèw minisiri don. Senegali jagokè minisiri Falilu Kani tun ye min wele.

A ka jemukan kònò, Umaru Kulubali ye caman fò Mali ni Senegali ka jekabaaraw kan ani falen minnu bë jamana fila ni nyogon cè jago sira kan, u y'a nyini dò ka fara minnu kan. An ka nyémogò y'a jira fana ko mali labènna don k'a bolo di farafinna tilebinyanfan jekulubaw bée ma, jekabaara sira kan.

Bènkan sèbèn dò labènna mali ni irisi jamana cè, desanburu kalo tile 3, san 1982, Mòsiku min b'a yamaruya ciyakèda dò ka dilan kalana, Mali la sanu bòli siratigè la irisila ka dèmè kònò.

Witali Morozowu, min ye kuntigi dankan ye irisila kòkan jamana sòròda konyèw siratigè la, o de y'a bolonò bila sèbèn in na a ka jamana tògò la.

Mali lasigiden min bë Mòsiku, n'o ye Jibirila Mayiga ye o de tun ye mali ka ciden ye bolonòbila la sèbèn in kan.

Kòrò wèrè tè bënkèn sèbèn in na, kalana sanu bò baara teliyalikò.

Morozowu y'a jira Jibirila Mayiga la k'a ka jamana labènna don ka dò fara ani mali ka jekabaara ni nyogondemè kan a k'o taamashiyèn ye sèbèn in ye u y'u bolonò bila min na sisani.

An yèrè ka lasigiden y'a ka nisondiye jira irisila goférénama ka dèmè la ka nyèsin mali ma.

A y'a jira ko nin baara nafama in bëna nòba bò an ka jamana sòrò yiriwali la.